

錫山秦氏宗譜

錫山秦氏為淮海先生十二世孫瑞五公之後裔也。瑞五諱惟禎，因由昆陵秦村入贅嘉錫胡埭王氏，遂為錫山支始祖。其七世孫金於嘉靖七年始創世譜。萬曆十一年，八世孫淪重編，改稱金譜。以後遞修於萬曆丙辰、順治庚子、康熙甲午、乾隆丙寅及甲辰、嘉慶己卯、同治壬申、民國丙寅，並改稱宗譜。本書酌選嘉慶本同治本中部份資料，而於民國本中摘採尤多，間有需加校注者，亦書於眉端。

嘉慶己卯冬重輯

錫山秦氏宗譜

庚辰秋

廷植
廷標
雲梯

覆校

此序僅見於本譜及年譜單行者。他處則不易見。故特收錄。以明始祖淮海公年譜編之源流也。至於武進族人洪公所創年譜。世鮮知者。然華路山林。功不可沒。當日必當全書。燕印。與中外學者所撰之淮海先生年譜九種合。以便讀者檢閱。

始祖淮海先生年譜爲

國朝初年先生二十世孫監察御史鑄輯蓋本諸萬歷壬午先生十八世孫武進族人名洪舊本而加以案語考證亦加詳焉。瀛少時於族父鈞儀處得見是本板已遺失流傳絕少。忽忽又三十餘年。瀛官於杭。會族人持是本至。卽向於族父處所見者。爰于公暇重事編次。缺者補之。誤者辨之。凡瀛之所案。但書案字於每條之上。其舊案及族父所加增者。則書案某先生云云。示不敢掠美前賢也。佐瀛參訂者仁和邵徵士志純之力爲多云。

嘉慶二年丁巳九月十五日無錫二十八世孫瀛謹述於

此序實即八年譜單行
板中入家譜者即此嘉
慶譜也其後重修之家
譜附年譜時則將此
序作為跋矣

浙江按察使官署之懷清堂

辛未即嘉慶十六
年時歲方耕官歸
里

續輯世系宗譜序

瀛自辛未回籍、隨有修志之役、閱三年無錫金匱志成、因
念吾家宗譜修於乾隆甲辰、譌舛蕪雜、殊非善本、今又逾
三十年不修、不可不亟圖編輯、卷帙浩繁、工費較鉅、謀諸
宗人、罕有應者、三四年來、雙日益以贅、精力日以衰、此事
幾輟、昨春始邀族祖之居鄉者、若鴻而商之、族祖欣然、爰
又謀諸臨川弟沆、及從弟江、共蠲緡倡始、其他子姓不計
贏縮多寡、量力爲助、議既定、旁搜博采、凡涉先世掌故、悉

資考證族姪廷標假館於吾家之遂菴瀛寰於目輒令旁
誦相與商榷并口授而書之一切詳見凡例既付梓屬族
弟大昭大治族姪大樸分任校對吾家淵源淮海支派幾
徧天下惟譜系之出自毘陵者最爲可考吳之洞庭爲毘
陵分支顯於南宋見長沙陳恪勤所爲洞庭秦氏宗譜序
吾無錫以宋末自武進秦村遷富安鄉之胡埭至明成化
以來中齋端敏兩公始大譜創於端敏體例謹嚴足爲後
人法式瀛輯是譜原本端敏遺法加以變通質諸先人可

告無罪。雖然瀛於此，抑不能無懼焉。唐襄文之表樂易府君墓曰：襁衣矩步，恂恂然不問而知爲秦氏子弟。蓋吾秦氏之在無錫，眾推巨族，不獨以科名官閥相誇耀，亦以孝弟忠信廉謹家法相承，綿延以永於弗替。瀛幼時隨祖父朔望展謁祖祠，子弟望見，卽趨而前，肅然拱侍，否則面叱之。方今習俗日偷，蕩軼規矩，易謹愿爲倻張，變禮議爲囂陵，甚且蔑棄祖宗，不復知有尊親倫誼之重，此其積漸非一日之故。而吾宗之衰兆已形，履霜堅冰，不可不撫編而

知懼也。瀛官侍郎時蒙

上召見嘗

諭及宗室子弟如不安分房族長不能無咎。瀛聞而悚然。今歸田九歷寒暑。忝爲族望。且房長也。尋繹

聖諭。不勝慙慙。是譜之成。願讀之者油然生尊祖敬宗之心。改過遷善。以求無忝於吾祖。則吾族人其庶有賴乎。至鳩費刊刻次第給發之人。則從弟治實司出納云。

嘉慶二十四年己卯九月既望。無錫支十八世孫瀛謹序。

此譜為同治壬申木活字本。板框高二十二點五公分，廣三十公分。原為族人芝清先生所存。今歸上海圖書館收藏。本書所選族人堯臧有闕瑞五公贊於王氏之年代志疑。為他譜所未載。而芝清之跋亦頗具啓發。故並輯入。末附錫山秦氏詩鈔卷首少游公傳。於宋史本傳亦稍有增益。可供參考。

錫山秦氏宗譜

此非原卷乃子
卿補著之也
特為注明庶
免誤解

同治壬申重輯

錫山秦氏宗譜

癸酉秋覆校

重輯錫山秦氏宗譜序

吾秦氏系出有宋淮海先生其後一遷武進再遷無錫遷
錫者曰瑞五府君始子孫蕃衍雖派別支分鈔有他徙故
海內言氏族者必首推錫山秦氏今高郵之秦猶爲巨族
武進亦存秦村別有一支遷於蘇之洞庭者歷數百年聚
族於斯皆吾宗也然是譜爲錫山秦氏而作則當以錫山
爲限他固不遑及也譜牒自錫山支七世孫端敏公金迨
嘉慶己卯先侍郎遂庵府君

遂庵即小峴山人秦
藏也

予告在里嘗手輯之則已重修者七次矣端敏譜例有云
凡我子孫必三十年一修違者以不孝論自己卯至今癸
酉且五十有五年於所謂三十年者幾倍之當道光季年
正值應脩之會既不果修及咸豐同治間粵寇難作縣城
淪陷人民蕩析流離吾族亦多散之四方或以身殉誠有
不暇及此者會逢

聖主中興三吳戡定始得言旋言歸安我鄉土而兵燹之
後譜牒散亡子姓凋零不但年遠遺忘而已於是乎修譜

之舉尤爲亟亟而其難且數倍於遂庵府君時矣歲壬申
二十世孫堯曦首蠲白金爲倡其他亦多量力助之復有
田捐丁捐之議始集貲若干緡而公舉十八世孫淑曾十
九世孫蘭枝樹鳳翔文楨二十世孫賡彤臻昌業等分任
採訪編輯校讐諸事閱一年有奇而譜克告成其體例一
本端敏及遂庵府君雖闕畧舛錯之憾或所不免而大致
備具可俾後之復修是譜者有所考焉惟吾秦氏當前明
中葉及

舍本逐末惟利是趨
讀書稽古之士百無
一二實吾秦氏子孫
之羞也願共勉之毋
忘先祖報國之志也

本朝乾嘉間服官中外者一時恒有數十人而應春秋二
試亦如之榜發必有掇巍科登上第者而出爲名臣爲循
吏處爲文學爲醇儒爲孝子悌弟者又歷歷可數吁亦盛
矣乃十數年來薦經喪亂死亡顛沛之餘饑寒日迫舍本
逐末惟利是趨讀書稽古之士百無一二其赴童子試者
且不如曩時鄉會之多而名列賢書者已寥寥無幾何其
衰也安得子孫之賢而有力者以養以教培植成材庶幾
科名復顯於今孝友無忝乃祖乾嘉兩朝之盛又何不可

再覩乎小子業少孤失學中年奔走衣食僅得一官垂垂
欲老菟裘未營旣以需次攸羈不獲躬與纂修上繼先人
之志嘗思興復義學以薰陶族子弟並法笠源公續編家
乘搜羅先世遺文佚事都爲一集均牽率未遑白首無成
於斯益見濡筆以序茲譜其能無慙於中也夫其能無慙
於中也夫

同治十二年歲次癸酉冬十月

無錫友十九世孫細業謹序

11

12

13

